

## **Covid-19: Sepang catat 43 kes, zon merah di Selangor kini lima**

**SelangorKini.my**

**06 April 2020**

**by Norrasyidah Arshad**

SHAH ALAM, 6 APRIL: Zon merah di Selangor bertambah satu lagi hari ini selepas daerah Sepang mencatatkan 43 kes positif Covid-19.

Menurut angka di Twitter Pasukan Petugas Pencegahan Covid-19 Selangor (STFC), empat daerah lain yang dikategorikan zon merah ialah Hulu Langat sebanyak 325 kes, Petaling (297), Klang (111) dan Gombak (107).

“Jangan keluar rumah sekiranya tiada keperluan. Jika perlu keluar, ambil langkah penjagaan diri yang betul. Bosan? Amalkan tips 4C,” kenyataan ringkas STFC dipetik.

Tips 4C merujuk kepada kawalan maklumat (control), ambil berat diri sendiri (care), sentiasa berhubung (connect) dan bertenang (calm).

Kenyataan itu turut diulang siar Dato’ Menteri Besar Dato’ Seri Amirudin Shari yang menyeru masyarakat meneruskan usaha memerangi Covid-19 dengan mematuhi arahan Perintah Kawalan Pergerakan.

Selangor merekodkan keseluruhan 970 kes, dengan lapan kematian setakat ini.

Kementerian Kesihatan Malaysia menetapkan sesuatu kawasan sebagai zon merah apabila mempunyai lebih 40 kes sementara zon jingga pula 20 hingga 40 kes. Tiada atau bawah 20 kes dianggap zon hijau.

**© Copyright 2019 - Developed for the People of Selangor**

Source: <https://selangorkini.my/2020/04/covid-19-sepang-catat-43-kes-zon-merah-di-selangor-kini-lima/>